



## Ukiunut nalunaarut 2017-2018

Ukioq Meeqqat Ikiortigit-mut pisoqarfiusimaqaaq. Siulersuisortaat, 30. juni 2017 atuutilersut immikkut oqaaseqassussisarnissamik sulinissaq qitiutissimavaat, tassa Kalaallit Nunaanni meeqqanut sammisut pillugit oqaaseqartartuunissaq. Siulersuisuulersullu sammiviit marluk suliniuteqarnermi qitiutinneqartussatut toqqarpaat: kinguaassiuutitigut atornerluisarnerit aamma nikanarsaasarnerit.

### Siulersuisuni nikittoqarneq

Siulittaasup tullia Ea Krassél, silersuisuunernullu ilaasortaq Karen Schleiss aamma siulersuisuuneernut ilaasortaq Josefine Duer 2017-ip ukiaagaa siulersuisunit tunuarput. Siniisussarlu Arnajaraq Joelsen siulersuisuni suleqataasalernissamut aggersarneqarpoq. Siulersuisuunernilu 2018-imi ukiakkut siulittaasunngorallarpoq siulersuisunut ilaasortaasoq Arina Kleist.

### Pilersaarusionermut pisortaq

Pilersaarusionermut pisortaq Kamilla F. Diehle sulilluareeqaluni 2018-imi januarimi suliffimminit unippoq tassungalu taartitit februarip qiteqqunnerani atorfinitsinneqarluni Linda Sommer. Kinguninnguatigulli isumaqigiissutigineqarpoq soraarnissaa. Maannalu atorfeqalerpoq Malin Corlin, aallartittoq 6. august 2018.

### Allaffeqaatigiilerneq nutaaq

1. januar 2018-imiit Meeqqat Ikiortigit Kalaallit Nunaanni Timersoqatigiit Kattuffiat allaffimmioqatigilerpaa, taassuma allattoqarfiani allaffimmik attartorneq aqutugalugu. Allaffiullu pequtilersorlugulu atortulersornerani ikuuuttuupput Pisiffik, Elgiganten aammalu Grønlands Kontorforsyning.

### Oqaassuteqartarneq

Tamaviaarutigisimavarput meeqqat pillugit meeqqanut tunngasunik oqallinnerni oqalliseqataasartutut nukittuutut inissinnisarput taamatut iliornikkut anguniarlugu meeqqat atugaasa pisinnaatitaaffiisalu pitsanngorsarnissaanniksuliniutitta inuiaqatigiinni erseqqissuunissaa. Tamannalu ingerlapparput tusagassiutitigut nalunaaruteqartarnikkut, apersoneqartarnikkut aammalu sulianut attuumassuteqarsinnaasunik ataatsimeeqateqartarnikkut.

Taamatut sulinitsinni ilaatigut Meeqqat Oqaaseqartartuat ataatsimeeqatigaarput. Taavalu suliffimmit soaraajutaa angerlarnermi Timersoqatigiit Kattuffiata ataatsimiititsinerani peqataavugut, aggersaassutigineqarmat kikkut tamarmik timiminnik atuinerulersinnissaat.

2017-imi martsip qaammataagaa immikkut siunnersortimik nikanarsaasarneq pillugu ataatsimeeqateqarpugut suleqatiginnilerlutalu, angujumallugu nikanarsaalluni qinngasaarissarnermut atatillugu sulinutigisatsinnik annertusaanissaq. Taavalu FN-imit nunarsuaq tamakkerlugu anguniakkat 17-isut pillugit NGO-t allat peqatigalugit Transparency Greenlandip CSR-illu isumasioqatigiissitsineranni peqataavugut.

Kiisalu siullittaasorput KNR-ip 24. april qinersisoqarnissamut atatillugu meeqqat inuusuttullu pillugit paasititsiniaanermi siullermeersumi peqataavoq.

### **Aqqissuussaanikkut ineriartortitsineq**

Meeqqat lkiortigit aqqissuussaanerup iluani ineriartortitsiniarnermi sammiviit pingasut sallertut inississimavai: Avammut attaveqartarneq, sumiiffinniititsinissaq aammalu immineq piumassutsimik sulisinnaaneq. Tamakkunungalu sammisut attaveqaatit tamanut ammasut annertusisamik atorlugit ingerlappagut aammalu saniatigut nutaamik nittartagaliornikkut, suli inaarsarlugu ingerlanneqartukkut.

Suliagut pillugit avammut tusarliisarnerput nukittorsarumallugu aammalu immineq kajumissu-  
tsimik sulisinnaasunik kaammattuiniarnitsinnut atatillugu Rotary Grønlandimi sulinerput, pilersaarutigut/ingerlatagut pillugit saqqummiussivugut. Aammattaaq tusagassiuutit attaveqaatillu aqutigalugit ikiuisartussarsiornerput ingerlapparput iluaqutaasumik tassami taamatut suleqa-  
taajumasut amerlanerusut pigileratsigit. Røde Kors Danmark Kalaallit Nunaat-llu ataatsimeeqatigiipput frivilligkorps-imik taasamik pilersitsisinnaaneq pillugu.

Aamma avammut tusarliussisarsinnaanerput immitsinnullu erseqqarissarsinnaanerput pitsaanerulersissagutsigu aamma ilutsinni akunnitsinni attaveqarsinnaanerput pingaaruteqarportaaq taamaattumillu ilutsinni dropbox-erput nutarternikuuarput. Aamma meeqqat illersornissaannik politikkerput aammalu peqatigiinnissamik politikkerput nutarterpaguttaa taakkulu pillugit naqiterisitsilluta immineq kajumissutsiminnik suleqataajumasinnaasunut suleqatigisatsinnullu siammartiterivugut.

### **Immineq kajumissutsiminik suleqataasumut nersornaasiissut**

Septemberip qaammataagaa siulersuisut aaliangiipput immineq kajumissutsimik suleqataasumut nersorinnissumik pilersitsiniarluni. Taamallu 1. november 2017 taanna inummut tunniusimalluin-  
narluni suleqataasumut tunniunneqarpoq iluatsillugu sumiiffimmi immikkootorta qarfiup iluani suleqataasut ukiuni akunnaatsorsiornerat. Dooit Design tamatumunnga atatillugu nersorinnissutip eqqaassutissartassaanik igalaaminermik tunniussivoq.

### **Nunatta avannaani ajunaarnersuaq (tassaarnersuaq)**

Siuliani siullittaasusimasut ajunaarnersuarmut atatillugu ilinniartitsisut meeqqanik oqaloqateqar-  
nissaannut ikiorsiissutitut najoqqutassamik suliaqarsimapput. Siulersuisortaangortullu taassuma nunatsinni ilinniartitsisunut siammartiterneqarnissaa isumagisimavaa aammalu naqitatut tusagassiutinut ilanngussassanngortsisimalluni.

## **Aningaasaqarneq aningaasassarsiuussinerlu**

Siulersuisut ingerlaavartumik ingerlatsinermut ingerlatanullu aningaasassarsiuussinermik ingerlatsisimapput. Meeqqat Ikiortigit Stark-imit 32.575,- kr.-nnapoq, suliffeqarfinnik suleqateqarnerup ataani ingerlasumit, tassanimi STARK MI-p sulineranut aningaasanik katersuussimmat.

Red Barnet Danmark-ilu 15.879,- kr.-nik tunniussaqqarpoq nuna tamakkerlugu katersuiniarnerminnit sinneqartoorutiminnik. Siulersuisulli Tips aamma Lottomidler-iniut qinnuteqarnera itigartinneqqarpoq.

Peqatigiiffiup aningaasassarsiuussineranit pissarsiat amerlanerpaartaat ingerlanneqartumut uunga *"Meeqqat tamarmik angerlarsimaffissaqarsinnaatitaapput"*-mut nakkarput. Juli 2017-imiit maannamut katersorneqarsimapput kr. 263.900,-. Taakku iluini 200.000 kr.nit tassaallutik Tips og Lotto-midernes projektgruppe-mit pissarsiaasutt, 53.900 kr. Nunafondenimit pissarsiaallutik kiisalu Air Greenland gavekortimik 10.000 kr.-mik naleqartumik tunniussat pissarsiarineqarlutik. Sømandshjemillu siunnersortimut akeqanngitsumik unnuineq tunniussimavaa, siunnersorti ingerlanneqartumut atatillugu immineq kajumissutsimminik suleqataasunut sungiusaammat.

Peqatigiiffik tapersersuisussarsiorluni aningaasassarsiuussisarnermini tapersersorneqarluarpoq aammalu suliffeqarfinnik suleqateqarluarsimalluni.

## **Ingerlanniakkat ingerlanneqartullu**

Peqatigiiffik ingerlanniakkani pillugit takussutissiissusiorluni katalogiorsimavoq immikkut salliutillugit sammiviit marluusut: Kinguaassiuutitigit atornerluisarnerit aammalu nikanarsaalluni qingasaarisarnerit saniatigullu ilanngullugit takussutissiaralugit ingerlaavartumik ingerlanneqartut ingerlanniagaasullu. Kiisalu aamma takuneqarsinnaavoq pilersaarutaasoq annertoq: *"Meeqqat tamarmik angerlarsimaffissaqarsinnaatitaapput"*.

### *Nikanarsaalluni qingasaarisarneq akiorniarlugu suliniutit*

2017-imi decemberip qaammataagaa nikanarsaalluni qingasaarisarneq pillugu Nuummi unnukkut sammisaqartitsisoqarpoq, tassani lu saqqummiussisoqarpoq sammineqartorlu oqallissutigineqarluni.

Peqatigiiffiullu sammisanut takussutissiamini aamma suliniutit allat arlaqartut nittarsaappai, nikanarsaalluni qingasaarisarnermik akiuniarluni suliniuteqarnermut attuumassuteqartut. Red Barnet Danmarkimi siunnersortit ataatsimeeqatiginneqarput tassani sammineqarlutik meeqqat atuarfiini atuartut akulliit angajulliillu akornanni nikanarsaalluni qingasaarisarnerit. Siunertaavoq taakkununga iliuusissanik aallartitsinissaq.

### *Projektet Sikkerchat – Chat paaralugu*

Ingerlanneqartoq Sikkerchat – Chat paaralugu Meeqqat Ikiortigit nittartagaannut nutaamut ivertinneqassaaq. Taaneqartoq PiSiu (Nunatsinni Pinerlutsaaliuinermit Siunersuisoqatigiiffik) suleqatigalugu ingerlanneqassaaq. Taannalu maanna piareersarneqarluni suliarineqarpoq, atugassat katersorneqarlutik nutsertinneqarlutillu.

Pilersaarutaavorlu pineqartoq 2018-imi atuarnep aallartinnissaanut piareerneqarsimassasoq. Ilinniartitsissusiat misilittarneqarput ilinniartitsisunillu nalilersorneqarlutik.

*Kinguaassiuutitigut atornerluisarnerit kanngutsaaliuisarnerillu pillugit suliniutit*

Kinguaassiuutitigut atornerluisarnermut atatillugu suliniutitsinni salliutinneqarpoq oqallinnerni erseqqissumik peqataanissaq, tassanilu ilaatigut tusagassiutitigut pisunit killisiuillunilu tusarniaasarnerup kingusittarnera oqaaseqarfigivarput. Aamma FN-ip ataani Meeqqat Pillugit Ataatsimiititaliarsuarmit Kalaallit Nunaanni kinguaassiuutigiut atornerluisarnerup qaffasinnerujussua pillugu inassutaanut atatillugu qisuariaateqarpugut.

*Meeqqat tamarmik/kikkulluunniit angerlarsimaffissaqarsinnaatitaapput*

Ingerlanniakkami angugiagaasoq tassaavoq meeqqanut angerlarsimaffimminnit avataanut inissinneqarsimasunut angajoqqaajusunullu atatillugu pitsaasumik attaveqartuartsitsinissamik isumannaarinnikkumaneq, taamallu meeqqat ajunngitsumik alliaartorsinnaanissaannut ammaassiumaneq. Ingerlanniagaq Kommuneqarfik Sermersooq suleqatigalugu ineriartortinneqassaaq. 2017-imi augustip qaammataani Meeqqat Ikortigit Red Barnet Grønland- ilu suleqatigiinnissaq pillugu atsioqatigiipput tassungalugu atatillugu immineq kajumissutsiminnik suleqataarusuttut sungiusarlugit ingerlatsinissaq aallarnisarneqarluni.

Sungiusaanissamullu atatillugu atortussat naammassineqareerput atoriaannangorlugillu naqitertinneqareerlutik.

Ingerlanniakkallu pineqartup suliarinerani ingerlaavartumik aqutsisoqatigiit malinnaatinneqarput nalilersuisinneqartarlutillu, aqutsisoqatigiinnilu Kommuneqarfik Sermersooq sinnerlugu ilaasortamik ataatsimik taarsiisoqarpoq, Ellen Magnussen ilanngutsinneqarmat. Aamma tarnip pissusaanik ilisimasalik ilaasortaasoq taarserneqarpoq. Taassuma angajoqqaaviusut peqatigalugit ineriartortitsinerup ingerlanissaanik ilusiliisussaavoq. Isumaqqatigiissut atsiorneqarpoq Tarnip pissuaanik ilisimasalimmit Lars Husted-imit.

Immineq kajumissutsiminnik suleqataasut sungiusarneqarnerat 2018-imi martsip qaammataani ingerlanneqarpoq. Maanna immineq kajumissutsiminnik suleqataasut pineqartumi peqataatinneqartut 12-iupput. Sungiusaanerup naliliiffiqineqarnera specialkonsulentimit Lars Stilling Netteberg-imit suliarineqarpoq maannalu sungiusaanissap tullia pilersaarusionneqareerluni.

Ingerlanniakkallu immikkoortua siulleq aallartinneqarsinnaangorlu piareerpoq, tassalu meeqqat angajoqqaaviusullu ingerlatsiviginissaannut tunngasoq. Ingerlanniagarli kinguaattooqqavoq arlaleriarlunilu kinguartinneqartariaqartarsimalluni Kommuneqarfik Sermersuup ilaqutariinnik nalilertsueqqaarnissaa pequtigalugu. Siullermeerutaasumik misiliinissaq angajoqqaaviusunut ingerlanneqassaaq 2018-imi junip qaammataata naalernerani.